


III-Modul . BADMINTON O‘YIN QONUN QOIDALARI

3.1 O‘yin maydoni o‘lchamlari,raketka hamda volan xususiyatlari maydon

Badminton kortlari ichki va tashqi badminton kortlarida ishlatilishi mumkin bo‘lgan yoritish uskunalariga muhtoj. Badminton maydonining muhim jihatlaridan biri bu yoru g‘lik sanaladi.Oddiy foydalanuvchilar uchun 200 lyuks.Xalqaro musobaqalar uchun badminton korti yoritgichlari professional foydalanuvchilar uchun u 750 dan 1000 lyuksgacha bo‘lishi kerak.o‘yin to‘g‘ri to‘rt burchakli, o‘lchamlari (yakkalik o‘yinlar uchun) 3,4 ga 5,18 metr, diogonal 14,366 m bo‘lgan maydonchada o‘tadi.

Juftlik o‘yinlar uchun, o‘lchamlari 13,4 (uzatmada — 11,88) 6,10 metrga,diogonal 14,723 m bo‘lgan maydoncha qo‘llanadi. To‘rning balandligi,ustuncha oldida -1,55 metr, to‘r markazida-1,524 metr. To‘r har ikki tarafdin kengligi 7,5-8sm bo‘lgan, ip o‘tkazish uchun ikki qavat qilib taxlangan, lenta bilan chegaralangan. Kengligi 4sm bo‘lgan chiziqlar yorqin(oq yoki sariq) bo‘yoqlar bilan maydonchaga chizilib, ular chegaralab turgan maydonchaning (chiziqni bosib, uzatmani bajarish mukiin emas)ajralmas qismi bo‘lib qoladi. o‘r to‘q rangdagi pishiq ipdan tayyorlanib,bir hil qalinlikda bo‘lishi lozim. To‘rning katakchalari kattaligi esa 15×15 mm dan to 20×20 mm ni tashkil etadi. To‘rdan 1,98 metr masofada uzatish chiziqlari chizilgan. Uzatish chizi g‘i va orqa chiziq orali g‘ida uzatish zonasi joylashgan. Markaziy chiziq uzatish zonasini chap va o‘ng zonalarga ajratadi.

Xalqaro musobaqa qoidalariga ko‘ra stadion ustidagi minimal bo‘sh joy 9 metrni tashkil qiladi.Bu balandlikda nurlar yoki boshqa to‘siqlar bo‘lmasligi kerak.Har qanday yonma-yon joylashgan ikkita sud o‘rtasida kamida 2 metr masofa bo‘lishi kerak.(11-rasm)



11-rasm

Raketka

Dastlab, raketkalar yo g'ochdan yasalgan. Zamonaviy raketkalar turli xil materiallardan: ugleplastikdan, boshlab alyuminiy, po'lat va titangacha bo'lgan materiallardan yasalgan. Ular tufayli, jixoz, srunalarning tortilishi va zarba kuchiga dosh bermoqda. Professional o'yinchilar uchun raketkalar, odatda, ko'mirtola (uglevolokno) asosidagi kompozision materiallardan, boshqa materiallardan yasalgan konstruktiv elementlarni kiritish bilan, yasaladi. Havaskorlar va yangilar uchun raketkalarni, ulardagi T-ko'rinishidagi, tutqich va gardish doirasi birlashgan joydagi "troynik"(uchlik)ning mavjudligiga qarab, ajratish mumkin. Raketkaning o'yin xususiyatlariga ta'sir etuvchi, asosiy jismoniy tavsiflariga, og'irlik markazining joylashishi("balans" deyiladi), tutqich va gardishning egilishga, hamda tutqichning o'zini buralishga mustaxkamligini kiritish mumkin. Ba'zan, ushbu tavsiflarga ko'ra, ba'zi raketkalarni xujumkor va kuch uslubida o'ynovchi o'yinchilarga tavsiya etilsa, boshqalarini – himoya taktik sxemasiga moyil, o'yinchilargi tavsiya qilinadi. Professional o'yinchilargi mo'ljallangan, raketkalarining molel qatorlarida, ularning orasida, yasalishidagi variativ nusxalari uchrashi

mumkin, ular o'g'irlikda bir necha gramm farqlanishi va tutqichlar bir oz qalinroq bo'lishi mumkin. Ko'pchilik professional o'yinchilar, raketkalar tutqichiga maxsus, "grip" deb, nomlangan, raketka ushlamasini yaxshiroq nazorat qilish uchun mo'ljallangan o'ramadan foydalanishadi.


Raketkaning muhim texnik elementini o'yin yoki zarba qashqasi tashkil qiladi. Kallagi klassik shaklda bo'lgan raketkalarda - u raketka kallagining simli yuzasi markazidagi doirasimon joy bo'lib, tuzilishidagi o'ziga xosliklarga ko'ra volanga eng samarali zarbalar berish imkonini yaratadi. Kallagi izometrik shaklda bo'lgan raketkalarda o'yin qashqasi biroz kattaroq bo'lib, klassik raketka bilan solishtirganda, u raketka kallagi gardishining yuqori qismiga qarab kengaygan bo'ladi.

Klassik yo g'och raketka quyidagi qismlardan tashkil topgan bo'ladi: a) kallak qismi,

b) yelka,

v) bo'yin,

g) sterjen, dastak. (12-rasm)




12-rasm

Raketkaning kallagi gardish hamda to'r shaklidagi simlardan iborat bo'ladi.

Zamonaviy sintetik raketkalar nisbatan mukammal tuzilishga ega bo'lib, ularning tarkibiy qismlari quyidagicha nomlanadi: kallak, sterjen, dastak.

Odatda, kallak qismi ikki xil bo'lgan raketkalar tayyorlanadi. Ularning birinchisida kallak klassik ko'rinishga ega bo'lsa, ikkinchisida u izometrik shaklda bo'ladi.(13-rasm)



13-rasm

Raketkaning bu ikki turi orasidagi farq shundaki, klassik raketkaning tuzilishidagi o'ziga xosliklar uning yordamida nisbatan aniq va kuchli zarbalar berish imkonini yaratsa, izometrik raketkada o'yin qashqasinmg kattaroq ekani bois, zarbalar berish chog'ida volanni yaxshiroq nazorat qilish mumkin bo'ladi.

Raketka kallagining boshqacha tuzilishga ega tajribaviy namunalar ham mavjud, ammo ular o'yin amaliyotida juda kam ishlatiladi.

Raketkalar uch xil: professional, yarim professional va havaskorlar uchun mo'ljallangan bo'ladi.(14-rasm)



14-rasm

Professional raketkalar havaskorlar uchun mo'ljallanganlariga qaraganda yaxshiroq o'yin sifatlariga egaligi bilan ajralib turadi. Ular odatda, qattiqroq, mustahkamroq, ko'proq kuch talab qiladigan bo'lib, buralish paytidagi qattiqligi bilan ham farq qiladi. O'yinchining sportchi sifatidagi mahorati qanchalik yuqori bo'lsa, u shuncha qattiqroq raketkada o'ynaydi. O'yin paytida volanning nazorat qilishga aynan raketka sterjenining buralishdagi qattiqligi hisobiga erishiladi.


Mazkur holat volanning to'g'ri uchishiga juda katta ta'sir ko'rsatadi. Buning sababi shundaki, raketkaning markazi bilan zarba berilmaganda sterjenning buralishi yuz beradi. Agar u qattiq bo'lmasa, mana shu buralish oqibatida volanning uchish yo'nalishi o'zgarib ketadi. Boshqacha aytganda, volan o'yinchi yo'naltirgan tomonga emas, balki (uning uchun kutilmagan holatda) boshqa tomonga maydon chetiga yoki to'rga borib tushadi.

Raketkaning o'yinchidan qanday kuch talab qilishi ham juda muhim ahamiyatga ega. Raketkaning zarba kuchi boshqa jihatlar bilan birga aynan mana shu xususiyatga qarab belgilanadi. Mazkur ko'rsatkich raketkaning og'irligi va balansiga, ya'ni ana shu og'irlik gardish yaqiniga jamlanganmi yoxud dastak yaqiniga ekaniga bog'liq bo'ladi. Agar balans raketka gardishi yaqiniga jamlangan bo'lsa, zarba kuchli chiqadi, ammo uni nazorat qilish qiyinroq bo'ladi. Hujumkor o'yinni xush ko'radigan badmintonchilar raketkaning balans kallakka yo'naltirilgan turlarini tanlashadi. Himoyaviy va to'r yaqimdagi o'yin tarafdorlari esa balans dastakka yo'naltirilgan raketkadan

foydalanishni ma'qul ko'rishadi. Universal o'yinchilar esa aksariyat hollarda o'rta yo'lni tanlaydilar.

Raketkaning zarba beriladigan yuzasi yassi bo'lib, gardishga tortilgan va ayrim joylarida o'zaro to'qilgan kesishuvchi sim to'rdan iborat. Simli yuzaning zichligi bir xil bo'lishi shart, ya'ni: uning markazida chetki qismlaridan ko'ra kamroq bo'lishi mumkin emas.

Raketkaning o'lchamlari quyidagicha: umumiy uzunligi 680 mm dan, umumiy kengligi esa 230 mm dan oshmasligi lozim. Raketka kallagining uzunligi 290 mm dan oshiq bo'lmasligi zarur. Sim tortilgan yuzaning uzunligi 280 mm dan, eniga esa 220 mm dan ko'p bo'lmasligi kerak.(15-rasm)



15-rasm

Raketkada ulangan predmetlar va bo'rtiq joylar bo'lmasligi kerak. Albatta, yeyilish va tebranishni cheklash yoki vaznni taqsimlash, yoxud xavfsizlik maqsadida raketka dastagini badmintonchining qo'lga bog'lashga mo'ljallangan tasma bundan mustasno. Shu bilan birga, bunday ulangan predmetlar va bo'rtiqlarining o'lchamlari ulardan ko'zlangan maqsadlarga to'la mos kelishi zarur. Shuningdek, raketkada o'yinchi uning shaklini o'zgartirishi uchun xizmat qiladigan moslamalar ham bo'lmasligi kerak. Ortiqcha bosimning yoki bo'g'imlar jarohatlanishining oldini olishda raketkaning xususiyatlari muhim ahamiyat kasb etadi. Buning uchun u imkon qadar yengil bo'lishi zarur. Raketkaning eng yaxshi zamonaviy modellari yetarlicha elastiklikka ega bo'lgan holda 100 grammdan oshmaydigan vaznga ega. Ammo savdoda yog'och yoki

metallardan yasalgan og'ir, beso'naqay raketkalar ham uchray turadi. Ular odatda plyaj badmintoni uchun mo'ljallangan bo'ladi. Agar mana shunday raketkada sport badminton o'ynalsa, sportchi bo'g'imlarini jarohatlab olishi hech gap emas.

Volan

Volanlarning ikki turi mavjud: plastikdan va patlardan tayyorlangan. Plastik volanlar xavaskorlarga va volanlarning uzoq xizmat qilishi talab etilgan, ayrim mashg'ulotlarga tavsiya etiladi.

Plastik volanlarning uchish tavsiflari patli volanlarnikidan farq qiladi. Professional sportchilarning musobaqa va mashg'ulotlari uchun patli volanlar qo'llaniladi, ko'pincha sport musobaqa e'lonlarida patli volanning markasi/seriyasi ko'rsatiladi.(16-rasm)




16-rasm

plastik patli

Plastikli volan boshchasidan(probkasimon yoki sintetik) va unga maxkamlangan plastik "yubkadan" iborat. Patli volan 16 ta g'oz patidan va probkasimon boshchasidan, ustiga teri yelimlab, tayyorlanadi. Patlar boshcha atrofida aylana bo'ylab, maxsus teshiklarga yelimlanadi, ustidan iplar bilan o'ralib, iplar ham yelimlanadi. Patli volan og'irligi -5 gramm. (17-rasm).Ishlab chiqarishda volanlar uchish tezligi va traktoriyasi bo'yicha, navlarga ajratilib graduirovkadan o'tkaziladi, ajratish natijalariga ko'ra, turlicha belgilanadilar.

Belgilar volanlar joylangan "joylama"



17-rasm

ustiga(tubusda 3-6-12dona) va volanlarning o'ziga (masalan, volanlar boshchasining ichki tarafidan yelimlama bilan yoki patlar yoki plastikli yubka bilan birlashadigan, gardish sirtqi aylanasi bo'ylab, rangli yo'lakcha volan belgilanishi mumkin).


Bir uchrashuv mobaynida, professional o'yinchilar patli volanlarni 2-3 ta, hattoki undan ko'pini ishlatishlari mumkin.

Bir uchrashuv mobaynida, professional o'yinchilar patli volanlarni 2-3 ta, hattoki undan ko'pini ishlatishlari mumkin. Raketkaning gardishi bilan zarba(bunday zarbalar doimo, texnikadagi xato natijasida yuz berib, ko'proq, yangi kelganlar yo'llashadi) tekkanda, volanlar ko'proq zararlanadi. Biroq, benuqson texnikada ham, zarba kuchi volanga shunday ta'sir etadiki, tezda patlar yelimlangan joylarida "chayqalib", hatto sinishi ham mumkin, bu esa, volanning uchish trayektoriyasiga o'z ta'sirini o'tkazadi.

To'r

Uzunligi 6,10 m eni 76 sm bo'ladi . 1,55 m balandlikdagi ustunlarga o'rnatiladi. Ustunlar yetarlicha mustahkam bo'lishi, tortilgan to'rni yaxshi ushlashi va tik holatini saqlab turishi lozim.

Ustunlar tayanchlari o'yin maydonida joylashishi kerak emas.To'r to'q rangdagi ipdan tayyorlanib, bir xil qalinlikda bo'lishi kerak.To'r katakchalari kattaligi 1,5 x 1,5sm dan to 2sm x 2sm ni tashkil etadi. To'r 7,5 sm qalinlikdagi oq lenta bilan o'ralgan bo'ladi.(18-rasm)



18-rasm